

Lege wolgemut ynn die schuch / es verstell die roten
Kur. Item / nym ein muscaten / zerschneide die klein /
thus. yn ein ey / vnd schüds auff einen heysen hert / las
es braten / vnd isse das / es verstellts. Item / Wecht
kuy gepulvert / auff gepeetem brod gessen / verstell die
Kur. Item / ein kraut wechst ym hafern / das hat
Kleine meusfalbe töstlein / das bind wol fur den hyn-
dern mit einem tuch / oder wie du es magst / man heyst
es Katzen zagel. Item / lesch ein glüenden stachel zu
neun malen ynn gays odder ziegen milch / vnd nym
Keis / den derr ynn einem glüenden ziegel / vnd stos yhn
ynn einem mörser / vnd mach ein müslein ob dem feu-
er / aus dem Keis vnd aus der gaysmilch / das isse den
es verstellts gar sehr. Item / nym ein küe marne mil-
ch / vnd wirff .ij. odder .iij. glüende Kyselsteinen darein /
trinck's also warm. Ein anders.

Nym hunds mist odder kot der fast weis sey / zureib
den ynn wein / vnd seyge yhn durch ein tuch / das gib
yhm zu trincken / zwey odder drey mal. Item / reib
ein alten kes / der nicht faul odder würmig sey / den lege
vber nacht ynn ein wasser / trucken yhn denn / reib yhn
Klein / vnd isse des auff gepeetem brod.

Ein anders.

Nym Palmam Christi / naterwurtz vnd kraut / lege
das vber nacht yn wein / milch odder wasser / vnd trin-
cke darnon / Odder send scheffen lungen yn wein / vnd
trinck yhn warm drey odder vier tag. Item fur die
Kur / isse goldwurtz / es verstellts. Ein anders.

Nym Türteltauben vnd brenn sie zu puluer / mit fed-
dern vnd allem / des isse auff brod odder sonst yn brüe /
es hilfft gar wol / Odder isse Ponen ynn essig gesoten /
Odder send eychen rinden / yn wein odder wasser / vnd
trinck's. Ein anders.

Nym Drey